



КОМПАНИЙН
ХҮЛЭМЖИЙН ХИЙН
ЯЛГАРУУЛАЛТЫН
ТАЙЛАН
2024

ХАРИУЦЛАГЫН ТЭМДЭГЛЭЛ

МИК Холдинг ХК болон түүний охин компаниуд нь бидний оршин буй эх дэлхийд тулгамдаад буй уур амьсгалын өөрчлөлт, нийгмийн тэгш бус байдал болон бизнесийн ёс зүйн асуудлыг шийдвэрлэхэд чухалчлан оролцох, Нэгдсэн Үндэстний Байгууллагын Тогтвортой хөгжлийн зорилго, зорилтуудыг биелүүлэхэд хувь нэмрээ оруулах, байгаль орчин, нийгэм ба засаглалын зарчмуудыг хариуцлагатайгаар хэрэгжүүлэх зорилгоор “МИК Групп компанийн Тогтвортой хөгжлийн бодлого”-ыг 2024 онд баталсан.

Мөн 2023 онд МИК Холдинг ХК нь компанийн үнэт зүйлсийнхээ хүрээнд Улаанбаатар хотын агаарын бохирдлыг бууруулж, байгаль орчинд үзүүлж буй сөрөг нөлөөллийг багасгах үүрэг хариуцлагыг хүлээн хүлэмжийн хийг сааруулахад хувь нэмрээ оруулах үүднээс Partnership for Carbon Accounting Financials (PCAF) буюу санхүүгийн салбарт хүлэмжийн хийг хэмжих хамтын ажиллагааны санаачлагад нэгдэж “Хүлэмжийн хийн ялгаруулалтыг стандартын дагуу хэмжиж, ил тод мэдээлэх” үүрэг хүлээсэн билээ.

Ийнхүү бид компанийн тогтвортой хөгжлийн зорилго, зорилтууд болон байгаль орчинд үзүүлж буй сөрөг нөлөөллийг багасгахад хувь нэмрийг оруулах хүрээнд 2024 оноос эхлэн МИК Холдинг ХК болон түүний охин компаниудын өөрийн үйл ажиллагаанаас гадна санхүүжүүлсэн хөрөнгийн хүрээнд ялгаруулж буй хүлэмжийн хийн тооцооллыг хийж, 2024 оны компанийн хүлэмжийн хийн ялгаруулалтыг тайланг бэлтгэлээ.

Дэлхийн Нөөцийн Институт (World Resources Institute) болон Дэлхийн Тогтвортой Хөгжил Бизнесийн Зөвлөл (World Business Council for Sustainable Development)-ийн хамтран боловсруулсан санаачилга болох “Хүлэмжийн хийн протокол” (Greenhouse Gas protocol)-ын “Байгууллагын түвшинд ялгарлыг тооцох, тайлагнах стандарт” (Corporate Accounting and Reporting Standard), ISO 14064-1:2018 олон улсын стандартын 1 дүгээр хэсэг болох “Байгууллагын түвшинд хүлэмжийн хийн ялгаруулалт болон бууруулалтыг тооцох, тайлагнах заавар, тодорхойлолт”-ыг тус тус үндэслэн МИК ОССК-ийн үйл ажиллагаанаас ялгаруулж буй хүлэмжийн хийг Хамрах хүрээ 1, 2, 3 гэсэн үндсэн гурван хүлэмжийн хий ялгаруулах сувагт ангилан тооцсон. Ийнхүү тооцохдоо хамгийн түгээмэл арга болох “ялгарлыг тооцоолох” буюу үйл ажиллагааны өгөгдлийг зохих ялгарлын хүчин зүйл (итгэлцүүр)-ээр үржүүлэх гэсэн аргачлалаар “Хүлэмжийн хийн протокол” (Greenhouse Gas protocol)-ын олон нийтэд нээлттэй байршдаг сангаас ялгаруулалтын өгөгдмөл хүчин зүйл (итгэлцүүр)-ийг сонгон авч, аргачлалыг боловсруулж тооцооллоо.

“Хүлэмжийн хийн протокол” (Greenhouse Gas protocol)-ын дагуу Хамрах хүрээ 3-т хамаарах МИК Холдинг ХК болон түүний охин компаниудын бизнесийн үйл ажиллагааны хүрээнд санхүүжүүлсэн хөрөнгө оруулалт, худалдан авсан ипотекийн зээлийн багц дахь шууд бусаар ялгаруулж буй хүлэмжийн хийг тооцох аргачлалыг PCAF-ын “Олон улсын хүлэмжийн хийн тайлагналын стандарт”-ын дагуу боловсруулж, тооцсон. PCAF-ын санхүүжүүлсэн хүлэмжийн хийн ялгарлыг тооцоолох аргачлалд хүлэмжийн хий ялгаруулалтын итгэлцүүрийг мэдээллийн эх сурвалжаас хамааруулан “Мэдээллийн чанарын 1-5” хүртэл үнэлдэг. Компанийн бизнесийн үйл ажиллагааны хүрээнд санхүүжилт олгосон харилцагч талууд нь хүлэмжийн хийн тайлагналыг 2024 оны байдлаар бэлтгэж тайлагнаагүй, Монгол Улсын хувьд эдийн засгийн салбар бүрт ноогдох хүлэмжийн хийн ялгарлын тооцооллын дата мэдээлэл, түүний мэдээллийн чанар хомс зэргээс үндэслэн бид компанийн худалдан авсан ипотекийн зээлийн багц, санхүүжүүлсэн хөрөнгүүдийн хүлэмжийн хийн ялгаруулалтын итгэлцүүрийг “Мэдээллийн чанар 5 (мэдээллийн чанар тодорхой бус)” буюу олон улсын нийтэд нээлттэй мэдээллийн сан болон Монгол Улсын албан ёсны зарим холбогдох эх сурвалжийг боломжит түвшинд ашиглан, итгэлцүүрийг тооцоолсон.

Монгол Улсад хүлэмжийн хийн ялгаруулалтыг тооцох, тайлагнах чиглэлээр эрх бүхий байгууллагаас баталсан нийтээр дагаж мөрдвөл зохих, хүчин төгөлдөр хэрэгжиж буй албан ёсны аргачлал одоогоор батлагдаагүй байна. Иймд энэхүү тайлагнал нь олон улсад хүлээн зөвшөөрөгдсөн аргачлал, баримт бичгүүдийг үндэслэн компани өөрийн сонгон ашигласан арга зүйгээр бэлтгэгдсэн болно. Тооцоололд ашигласан мэдээлэл, итгэлцүүрүүд нь олон нийтэд нээлттэй эх сурвалжууд, Монгол Улсын албан ёсны мэдээлэлд боломжит түвшинд тулгуурласан бөгөөд мэдээлэл хангалтгүй эсвэл тодорхой бус нөхцөлд “Мэдээллийн чанар 5” түвшний аргачлалыг хэрэглэсэн. Энэхүү тайлангийн үзүүлэлтээс үүсэж болзошгүй аливаа үр дагаварт компани хариуцлага хүлээхгүй бөгөөд тайлангийн үр дүнг зөвхөн мэдээллийн зорилгоор ашиглахыг зөвлөж байна.

Энэхүү тайлагналын зарим мэдээлэл нь Мэдээллийн аюулгүй байдлын удирдлагын тогтолцоо ISO 27001:2022 стандартын дагуу боловсруулагдсан болно.

ХҮЛЭМЖИЙН ХИЙН ЯЛГАРУУЛАЛТЫН ТАЙЛАН

ХАМРАХ ХҮРЭЭ	ХАМРАХ ХҮРЭЭНИЙ ТАЙЛБАР	ХҮЛЭМЖИЙН ХИЙН ЯЛГАРУУЛАЛТЫН ТӨРӨЛ	ХҮЛЭМЖИЙН ХИЙН ЯЛГАРУУЛАЛТ (тонн со2 экв/жил)
ХАМРАХ ХҮРЭЭ 1	Компанийн өмчилж байгаа болон хяналтанд байдаг тээврийн хэрэгсэл, агааржуулагч, эрчим хүчний үүсгүүр зэргээс үүдэлтэй шууд ялгаруулж буй хүлэмжийн хий хамаарна.	Суурин шаталт	0.06
		Хөдөлгөөнт шаталт	19.88
ХАМРАХ ХҮРЭЭ 2	Компанийн өөрийн оффисын ашиглалтын хүрээнд хэрэглэж буй цахилгаан эрчим хүч, төвлөрсөн дулаан хангамжийн хэрэглээтэй холбоотой шууд бус эрчим хүчний ялгаруулалт хамаарна.	Худалдан авсан цахилгаан	108.10
		Худалдан авсан Дулаан/ Хөргөлт	187.75
ХАМРАХ ХҮРЭЭ 3	Компанийн өдөр тутмын үйл ажиллагаа болон өөрийн эзэмшдэггүй эсвэл хянадаггүй эх үүсвэрээс үүссэн бусад бүх шууд бус хүлэмжийн хийн ялгаруулалт хамаарна. Үүнд, бүтээгдэхүүн ашиглах, бизнес аялал, тээвэрлэлт, түгээлт гм Мөн МИК Групп компанийн бизнесийн үйл ажиллагааны хүрээнд худалдан авсан зээлийн багц, санхүүжүүлсэн хөрөнгө оруулалтын багцын харилцагч талаас хамаарах хүлэмжийн хийн ялгаруулалт багтана.	Албан томилолт	7.78
		Хог хаягдал	5.70
		Ус хангамж	0.14
		Санхүүжүүлсэн хөрөнгийн ХХЯ (Мэдээллийн чанар 5)	1,835,350.22
Нийт хүлэмжийн хийн ялгаруулалт			1,835,679.63